

dixit: « Consequenter et ecclesiastico sensu et ipse sensisti de dono gratiarum, quæ in sancto Apostolo continentur.» Hic dicit aliquis: Quid ergo sollicitat? An tu negabis omnes virtutes et gratias fuisse in Apostolo? Ego vero, si illæ accipientur omnes, quas uno quodam ipse Apostolus commemoravit loco, quas et episcopos intellexisse arbitror, ut hoc approbarent, et pronuntiarent « sensu ecclesiastico dictum, » non eas dubito habuisse apostolum Paulum. Ait enim: « Et quosdam quidem posuit Deus in Ecclesia, » primo Apostolos, secundo Prophetas, tertio Doctores, » deinde Virtutes, deinde Donationes sanitatum, adju- » toria, Gubernationes, genera linguarum<sup>1</sup>. » Quid ergo, dicemus quod hæc omnia non habuerit apostolus Paulus? Quis hoc audeat dicere? Nam eo ipso quod Apostolus erat, habebat utique apostolatum. Sed habebat et prophetiam. An non prophetia ejus est? Spiritus enim manifeste dicit, quia in novissimis temporibus recedent quidam a fide, intendentis spiritibus seductoribus, doctrinis dæmoniorum<sup>2</sup>. Ipse erat et doctor gentium in fide et veritate: et operabatur virtutes et sanitates<sup>3</sup>; nam mordentem viperam manu excussit illæsa, et paralyticus ad verbum ejus restituta continuo salute surrexit<sup>4</sup>. Adjutoria quæ dicat, obscurum est; quoniam vis hujus verbi late patet: quis tamen huic et istam gratiam defuisse dicat, per cuius laborem salutem hominum sic constat adjutam? Quid vero ejus gubernatione præclarius, quando et per eum Dominus tunc tot Ecclesias gubernavit, et per ejus epistolas nunc gubernat? Jam genera linguarum, quæ illi deesse potuerunt, cum ipse dicat: « Gratias Deo, quod omnium ves- » trum lingua loquor<sup>5</sup>? » Quia ergo istorum omnium nihil apostolo Paulo defuisse credendum est, propterea

<sup>1</sup> Cor. xii, 28. — <sup>2</sup> Tim. iv, 1. — <sup>3</sup> Id. ii, 7. — <sup>4</sup> Act. xxviii, 5, et xiv, 9. — <sup>5</sup> Cor. xiv, 18.

responsionem Palagii, « omnes gratias ei donatas esse di- centis, » judices approbaverunt. Sed sunt et aliæ gratiæ, quæ hic commemoratæ non sunt. Neque enim, quamvis esset apostolus Paulus multum excellens membrum cor- poris Christi, nullas plures et ampliores gratias accepit ipsum totius corporis caput, sive in carne, sive in anima hominis, quam creaturam suam Verbum Dei in unitatem personæ suæ, ut nostrum caput esset, et corpus ejus esse- mus, assumpsit. Et revera si esse possent in singulis om- nia, frustra de membris corporis nostri ad hanc rem data similitudo videretur. Sunt enim quædam communia omni- bus membris, sicut sanitas, sicut vita: sunt autem alia etiam singulis propria, unde nec auris sentit colores, nec oculus voces; propter quod dicitur: « Si totum » corpus oculus, ubi auditus? Si totum auditus, ubi odo- » ratus<sup>1</sup>. » Quod quidem non ita dicitur, tanquam im- possible Deo sit, et auribus præstare sensum videndi, et oculis audiendi. Quid tamen faciat in Christi corpore quod est Ecclesia, et quam diversitatem Ecclesiarum<sup>2</sup> velut per membra diversa, ut essent dona etiam singulis propria, significaverit Apostolus, certum est. Quapropter, et qua causa hi qui illud objecerunt, auferri noluerint dis- tantiam gratiarum, et qua causa episcopi propter Paulum apostolum, in quo dona omnia, quæ loco uno commemo- ravit, agnoscimus, id quod respondit Pelagius potuerint approbare, jam clarum est.

XXXIII. Quid est ergo, unde me de hoc capitulo sollici- tum factum esse prædixi? Hoc videlicet, quod ait Pela- gius: « Donare Deum ei, qui fuerit dignus accipere, omnes gratias, sicut Paulo apostolo donavit. Nihil essem de hac ejus responsione sollicitus, nisi quod attinet ad hanc causam, cujus maxime cura gerenda est, ne scilicet

<sup>1</sup> Cor. xii, 17. — <sup>2</sup> Forte gratiarum.

gratia Dei, nobis tacentibus et tantum malum dissimulantibus, oppugnetur. Cum ergo non ait, Donare Deum cui voluerit; sed ait: « Donare Deum ei, qui fuerit dignus accipere, omnes gratias; » non potui, cum legerem, non esse suspiciosus. Ipsum quippe gratiae nomen, et ejus nominis intellectus auferunt, si non gratis datur, sed eam qui dignus est accipit. An forte quis dicet, Apostolo me facere injuriam, quia eum gratia dignum fuisse non dico? Imo tunc facio, et illi injuriam, et mihi poenam, si quod ipse dicit, non credo. An ille gratiam non ita definit, ut eam sic, quod daretur gratis, appellatam ostenderet? Nempe ipse dixit: « Si autem gratia, jam non ex operibus; » alioquin gratia jam non est gratia<sup>1</sup>. » Unde item dixit: « Ei autem qui operatur, merces non imputatur secundum gratiam, sed secundum debitum<sup>2</sup>. » Quisquis ergo dignus est, debitum est ei; si autem debitum est, gratia non est: gratia quippe donatur, debitum redditur. Gratia ergo donatur indignis, ut reddatur debitum dignis: ipse autem facit ut habeant quæcumque redditurus est dignis, qui ea quæ non habebant donavit indignis.

XXXIV. Hoc forte dicet: Ego non ex operibus, sed ex fide dixi Apostolum dignum fuisse, cui tanta illæ gratiae donarentur; non enim opera, quæ bona ante non habuit, sed tamen fides ejus hoc meruit. Quid enim, putamus quod fides non operetur? Imo ipsa veraciter operatur, quæ per dilectionem operatur<sup>3</sup>. Quantumlibet autem opera infidelium prædicentur, ejusdem Apostoli sententiam veram novimus et invictam, « Omne quod non est ex fide, peccatum est<sup>4</sup>. » Ideo vero saepè dicit, non ex operibus; sed ex fide, nobis justitiam deputari, cum potius fides per dilectionem operetur, ne quisquam existimet ad ipsam fidem meritis operum perveniri, cum ipsa sit initium, unde

<sup>1</sup> Rom. xi, 6. — <sup>2</sup> Id. iv, 4. — <sup>3</sup> Gal. v, 6. — <sup>4</sup> Rom. xiv, 23.

bona opera incipiunt; quoniam, ut dictum est, quod ex ipsa non est, peccatum est. Hinc et Ecclesiæ dicitur in Cantico canticorum, « Venies, et transies ab initio fidei<sup>1</sup>. » Quapropter quamvis bene operandi gratiam fides impetrat: ipsam certe fidem ut haberemus, nulla fide meruimus; sed in ea nobis danda, in qua Dominum sequeremur, misericordia ejus prævenit nos<sup>2</sup>. An ipsam nobis nos dedimus, et ipsi nos ipsos fideles fecimus? Prorsus etiam hic clamabo, « Ipse fecit nos, et non ipsi nos<sup>3</sup>. » Nihil vero aliud apostolica doctrina commendat, ubi ait: « Dico autem per gratiam Dei, quæ data est mihi, omnibus qui sunt in vobis, non plus sapere, quam oportet sapere, sed sapere ad temperantiam, sicut unicuique Deus partitus est mensuram fidei<sup>4</sup>. » Hinc est quippe et illud: « Quid enim habes, quod non accepisti<sup>5</sup>? Quando et hoc accepimus, unde incipit quidquid in nostris actibus habemus boni.

XXXV. Quid est ergo quod idem dicit Apostolus, « Bonum certamen certavi, cursum consummavi, fidem servavi; de cætero superest mihi corona justitiae, quam reddet mihi Dominus in illo die justus Judex<sup>6</sup>; » si hæc non redundunt dignis, sed donantur indignis? Hoc qui dicit, parum considerat coronam redi non potuisse digno, nisi gratia data esset indigno. Ait enim, « Bonum certamen certavi: » sed idem ipse ait, « Gratiæ Deo, qui dedit nobis victoriam per Dominum nostrum Jesum Christum<sup>7</sup>. » Ait, Cursum consummavi: sed ipse idem ait, « Non volentis, neque currentis, sed miserentis est Dei<sup>8</sup>. » Ait, « Fidem servavi: » sed ipse idem ait, « Scio enim qui credidi, et certus sum, quia potens est depositum

<sup>1</sup> Cant. iv, 8, juxta LXX. — <sup>2</sup> Psal. lviii, 11. — <sup>3</sup> Id. cxix, 3. — <sup>4</sup> Rom. xii, 3. — <sup>5</sup> 1 Cor. iv, 7. — <sup>6</sup> 2 Tim. iv, 7. — <sup>7</sup> 1 Cor. xv, 57. — <sup>8</sup> Rom. ix, 16.

» meum servare in illum diem , id est , commendatum  
» meum<sup>1</sup> : » nam codices nonnulli non habent depositum ; sed quod est planius , « commendatum. » Quid autem commendamus Deo . nisi quæ oramus ut servet , in quibus et ipsa est fides nostra ? Nam quid aluid apostolo<sup>2</sup> Petro Dominus commendavit orando , unde illi ait , « Ego » rogavit pro te , Petre , ne deficiat fides tua<sup>3</sup> ; » nisi ut ejus Deus servaret fidem , ne temptationi cedendo deficeret ? Quocirca , o beate Paule , magne gratiæ prædicator , dicam , nec timeam ; (quis enim mihi minus succensebit ista dicens , quam tu , qui ea dicenda dixisti et docenda docuisti ? ) dicam , inquam , nec timeam : redditur quidem meritis tuis corona sua , sed Dei dona sunt merita tua .

**XXXVI.** Redditur ergo debitum præmium Apostolo digno : sed ipsum apostolatum indebitum gratia donavit indigno . An hoc me dixisse poenitebit ? Absit : ejus enim testimonio ab hac invidia defensabor , nec me quisquam vocabit audacem ; nisi qui fuerit ausus ipsum vocare mendacem . Ipse clamat , ipse testatur , ipse ut in se Dei dona commendet , nec in se ipso , sed in Domino glorietur<sup>4</sup> , non solum nulla se habuisse dicit merita bona , ut apostolus fieret ; sed etiam mala merita sua dicit , ut Dei gratiam manifestet et prædicet . « Non sum , inquit , idoneus » vocari apostolus<sup>5</sup> : » quod quid est aliud , quam non sum dignus ? nam hoc plerique Latini codices habent . Hoc est nempe quod quærimus : nempe isto munere apostolatus illæ omnes gratiæ continentur . Non enim decebat aut oportebat Apostolum non habere prophetiam , aut non esse doctorem , aut non clarescere virtutibus , donationibusque sanitatum , aut adjutoria non præbere , aut Ecclesias non gubernare , aut linguarum generibus non excellere . Omnia

<sup>1</sup> 2 Tim. 1, 12. — <sup>2</sup> Forte de apostolo . — <sup>3</sup> Luc. xxii, 32. — <sup>4</sup> 1 Cor. 1, 31. — <sup>5</sup> Id. xv, 9.

hæc unum nomen apostolatus amplectitur . Ipsum igitur consulamus : ipsum potius audiamus : dicamus ei , Sancte Paule apostole , Pelagius monachus dignum te dicit fuisse , qui acciperes omnes gratias apostolatus tui , tu ipse quid dicis ? Non sum , inquit , dignus vocari apostolus ? Ita-ne , ut deferam honorem Paulo , Pelagio magis de Paulo credere audebo , quam Paulo ? Non faciam : me namque potius onerabo , quam illum honorabo , si fecero . Audiamus etiam , cur non sit dignus vocari Apostolus : Quia persecutus sum , inquit , Ecclesiam Dei . Si sensum sequeremur , quis non istum a Christo damnandum censeret potius quam vocandum ? Quis ita diligt prædicatorem , ut non detestetur persecutorem ? Optime ergo ipse atque veraciter : Non sum , inquit , dignus vocari apostolus , quia persecutus sum Ecclesiam Dei . Faciens igitur tantum mali , unde meruisti tantum boni ? Audiant respondentem omnes gentes : Sed gratia Dei sum id quod sum<sup>1</sup> . Numquid aliter est gratia commenda , nisi quia est indigno data ? Et gratia ejus , inquit , in me vacua non fuit . Hoc et aliis præcipit , ut etiam arbitrium voluntatis ostendat , ubi ait : « Præcipientes autem et rogamus , ne in vacuum gratiam Dei suscipiatis<sup>2</sup> . » Unde autem probat quod gratia ejus in eo vacua non fuit , nisi ex eo quod sequitur , « Sed plus omnibus illis laboravi<sup>3</sup> ? » Proinde non laboravit ut gratiam acciperet , sed accepit ut laboraret : atque ita , unde ad accipienda debita præmia fieret dignus , gratiam gratis accepit indignus . Nec ipsum sane laborem sibi ausus est arrogare . Cum enim dixisset , « Plus omnibus illis laboravi , » continuo subiectit , « Non ego , sed gratia Dei mecum . » O magnum gratiæ præceptorem , confessorem , prædicatorem . Quid est hoc ? « Plus laboravi , non ego ? » Ubi sese extulit ali-

<sup>1</sup> 1 Cor. xv, 10. — <sup>2</sup> 2 Cor. vi, 1. — <sup>3</sup> 1 Cor. xv, 10.

quantum voluntas, ibi continuo vigilavit pietas, et tremuit humilitas, quia se agnovit infirmitas.

**XXXVII.** Merito quod gesta indicant, etiam hoc usus est testimonio sanctus Joannes Jerosolymitanæ antistes Ecclesiæ, sicut interrogatus quæ apud illum ante judicium gesta fuerint, coepiscopis nostris, qui simul in illo judicio præsidebant, ipse narravit. Ait enim, tunc quibusdam susurrantibus, et dicentibus, quod « sine Dei gratia diceret Pelagius posse hominem perfici, id est, quod superius dixerat, esse posse hominem sine peccato : » Culpanus, inquit, super hoc etiam intuli, quia et apostolus Paulus multum laborans, sed non secundum suam virtutem, sed secundum gratiam Dei, dixit : « Amplius omnibus illis laboravi<sup>1</sup>; non ego autem, sed gratia Dei mecum : » et iterum, « Non est volentis, neque currentis, sed miserentis Dei<sup>2</sup> : » et illud, « Nisi Dominus ædificaverit domum, in vanum laboraverunt, qui ædificant eam<sup>3</sup> : » et alia multa similia diximus, inquit, de Scripturis sanctis. Illis autem non suscipientibus quæ dicebantur a nobis de sanctis Scripturis, sed adhuc susurrantibus, dixit Pelagius, Et ego sic credo : anathema sit, qui dicit absque adjutorio Dei posse hominem ad profectum omnium venire virtutum.

**XXXVIII.** Haec narravit episcopus Joannes, audiente Pelagio, qui utique posset honorifice dicere, Fallitur sanctitas tua, non bene meministi, non dixi ad ista testimonia, quæ de Scripturis commemorasti, « Ego sic credo : » quoniam non ea sic intelligo, quod gratia Dei sic laboret cum homine, ut quod non peccat, non volentis, neque currentis, sed miserentis sit Dei.

**XXXIX.** Sunt enim quædam expositiones Epistolæ Pauli, quæ scribitur ad Romanos, quæ ipsius Pelagi esse dicuntur.

<sup>1</sup> Cor. xv, 10. — <sup>2</sup> Rom. ix, 16. — <sup>3</sup> Psal. cxxvi, 1.

tur, ubi hoc quod scriptum est<sup>1</sup>, « Non volentis, neque currentis, sed miserentis est Dei<sup>2</sup>. » non ex persona Pauli assertum dictum; sed eum voce interrogantis et redarguentis usum fuisse, cum hoc diceret, tanquam hoc dici utique non deberet. Non ergo cum episcopus Joannes plane istam sententiam esse Apostoli agnovit, eamque ideo commemoravit, ne Pelagius sine Dei gratia non peccare quemquam putaret, et dixit respondisse Pelagium, « Et ego sic credo ; » neque cum hoc præsens audiret, respondit, Non sic credo. Oportet ut illam expositionem perversam, ubi hoc non sensisse Apostolum, sed potius redarguisse intelligi voluit, aut suam neget, aut corrigere atque emendare non dubitet. Nam quidquid dixit episcopus Joannes de absentibus fratribus nostris, sive coepiscopis Herote ac Lazaro, sive de presbytero Orosio, sive de aliis<sup>(1)</sup> quorum ibi non sunt nomina expressa, credo quod intelligat ad eorum præjudicium non valere. Si enim præsentes essent, possent eum fortasse, absit ut dicam, convincere de mendacio, sed forte commemorare, quid forte fuisset oblitus, aut in quo eum fefellerit Latinus interpres, etsi non studio mentiendi, certe alienæ linguae minus intellectæ nonnulla difficultate : præsertim quia non in gestis agebatur<sup>(2)</sup>, quæ, improbi ne mentionantur, boni autem ne aliquid obliviscantur, utiliter instituta sunt. Si quis autem memoratis fratribus nostris ex hoc aliquid quæstionis intulerit, eosque ad judicium episcopale vocaverit, sibi ut poterunt, aderunt : nobis hic laborare quid opus est ; quando ne ipsi quidem judices, post coepiscopi nostri narrationem, aliquid inde pronuntiare voluerunt?

**XL.** Cum ergo Pelagius præsens, ad illa testimonia Scripturarum dixisse se ita credere tacitus agnoverit, quomodo illud Apostoli testimonium paulo superius recolens,

<sup>1</sup> Vide lib. iii de Peccat. merit. cap. i. — <sup>2</sup> Rom. ix, 16.

et inveniens eum dixisse : « Non sum dignus vocari Apostolus, quia persecutus sum Ecclesiam Dei, sed gratia Dei sum id quod sum ; » non vidit, non se dicere debuisse; cum ageretur de abundantia gratiarum, quas idem accepit Apostolus, dignum fuisse qui acciperet; cum ipse se non solum dixerit, sed et aliam causam reddens probavit indignum, et eo ipsa gratiam vere gratiam commendaverit? Sed si forte illud jam dudum a sancto Joanne narratum, cogitare vel meminisse non potuit; recentissimam suam responzionem respiceret, et quae paulo ante de Cœlestio sibi objecta anathematizaverit adverteret. Nempe etiam inter illa est, quod objectum est dixisse Cœlestium : Dei gratiam secundum merita nostra dari. » Si ergo veraciter hoc Pelagius anathematizavit, quid est, quod dicit, gratias omnes Apostolo secundum meritum datas? An aliud est dignum esse accipere; aliud, secundum meritum accipere? et potest aliqua subtilitate disputationis obtendere, dignum esse aliquem, sed non mereri? Verum tamen Cœlestius, vel quis alias, cujus omnes superiores anathematizavit sententias, nec de hoc verbo eum nebulas ostendere atque in eis latere permittit. Urget enim et dicit : « Et ipsa gratia in mea voluntate posita est, sive dignus fuerim, sive indignus. » Si ergo recte hoc a Pelagio veraciterque damnatum est, ubi dicitur : « Dei gratiam secundum merita et dignis dari : quo corde cogitavit, quove ore protulit quod ait : « Dicimus donare Deum ei, qui fuerit dignus accipere, omnes gratias? » Quis non ista si diligenter adverterit, fiat de illius responzione vel defensione sollicitus?

**XLI.** Cur ego, ait aliquis, hoc judices approbaverunt? Fateor, ideo jam ipse ambigo : sed nimirum, aut breve dictum eorum audientiam et intentionem facile subterfu-

<sup>1</sup> Cor. xv, 9.

git, aut aliquo modo id recte posse accipi existimantes, cuius de hac re confessiones liquidas sibi habere videbantur, pene de uno verbo, nihil ei controversiae movendum putarunt. Quod et nobis forsitan contigisset, si cum eis in illo judicio sedissemus. Si enim pro eo quod positum est dignus, positum esset prædestinatus, vel aliquid hujusmodi, nihil certe scrupuli tangeret atque angeret animum : et tamen si dicatur, eum qui per electionem gratiæ justificatur, nullis quidem præcedentibus meritis bonis, sed destinatione dignum vocari, sicut electus vocatur, utrum vel certe, vel minima offensione intelligentiæ dici possit, difficile judicatur. Nam quantum ad me attinet, ab hoc verbo facile transire, nisi me liber ille, cui respondi, ubi omnino nullam dicit Dei gratiam, nisi naturam nostram cum libero arbitrio, gratiam creaturam<sup>1</sup>, de ipsius Pelagii sensu sollicitum redderet, ne forte hoc verbum non de negligentia locutionis, sed de diligentia dogmatis curarit inserere. Jam ea quæ restant novissima, ita judices commoverunt, ut ante responzionem Pelagii damnanda censerent.

**XLII.** Nam in sexto capitulo Cœlestii libri positum objectum est : « Filios Dei non posse vocari, nisi omni modo absque peccato fuerint effecti. » Unde secundum ipsum dictum est, neque apostolum Paulum esse filium Dei, qui dixit : « Non quod jam acceperim, aut quod jam perfecimus sim<sup>2</sup>. » In septimo capitulo : « Oblivionem et ignorantiam non subjacere peccato, quoniam non secundum voluntatem eveniunt, sed secundum necessitatem. » Cum David dicat : « Delicta juventutis meæ ne memineris et ignorantiæ meæ<sup>3</sup> : » et cum in lege sacrificia pro ignorantia sicut pro peccato offerantur<sup>4</sup>. » In decimo capitulo :

<sup>1</sup> Forte gratis creatam. — <sup>2</sup> Philip. iii, 22. — <sup>3</sup> Psal. xxv, 7. — <sup>4</sup> Levit. iv.

Non esse liberum arbitrium, si Dei indigeat auxilio, quoniam in propria voluntate habet unusquisque aut facere aliquid, aut non facere. » In duodecimo capitulo : « Victoriam nostram non ex Dei esse adjutorio, sed ex libero arbitrio : » quod inferre dictus est his verbis : Nostra est victoria, quoniam propria voluntate arma suscepimus, sicut e contrario nostrum est quando vincimur, quoniam armari propria voluntate contempsimus. » Et de apostolo Petro posuit testimonium, « divinæ nos esse consortes naturæ. Et syllogismum facere dicitur : « Quoniam si anima non potest esse sine peccato, ergo et Deus subjacet peccato, cuius pars, hoc est anima, peccato abnoxia est. In tertio decimo capitulo dicit, Quoniam poenitentibus veniam non datur secundum gratiam et misericordiam Dei, sed secundum merita et laborem eorum, qui per poenitentiam digni fuerint misericordia. »

XLIII. His recitatis Synodus dixit : « Quid ad hæc quæ lecta sunt capitula dicit præsens Pelagius monachus? Hoc enim reprobat sancta Synodus, et sancta Dei catholica Ecclesia. » Pelagius respondit : « Iterum dico, quia hæc et secundum ipsorum testimonium, non sunt mea ; pro quibus, ut dixi, satisfactionem non debo : quæ vero mea esse confessus sum, hæc recta esse affirmo : quæ autem dixi non esse mea, secundum judicium sanctæ Ecclesiæ reprobo, anathema dicens omni contravenienti et contradicenti sanctæ catholicæ Ecclesiæ doctrinis. Ego enim in unius substantiæ Trinitatem credo, et omnia secundum doctrinam sanctæ catholicæ Ecclesiæ : si quis vero aliena ab hac sapit, anathema sit. »

XLIV. Synodus dixit : « Nunc quoniam satisfactum est nobis prosecutionibus præsentis Pelagii monachi, qui quidem piis doctrinis consentit, contraria vero Ecclesiæ

<sup>1</sup> 2 Petr. I, 4.

fidei reprobat et anathematizat, communionis ecclesiastice eum esse et catholicæ confitemur.

XLV. Si ista sint gesta, quibus amici Pelagii gaudent eum esse purgatum : nos, quoniam erga se nostram quoque amicitiam, prolatis etiam familiaribus epistolis nostris, atque in hoc judicio recitatis, quas insertas continent gesta, satis probare curavit, salutem quidem ejus in Christo cupimus et optamus : de ista vero ejus purgatione, quæ magis creditur, quam liquido demonstratur, gaudere temere non debemus. Neque hoc dicens, judicum arguo vel negligentiam, vel conniventiam, vel quod ab eis longe abhorrere certissimum est, impiorum dogmatum conscientiam : sed eorum judicio pro merito approbato atque laudato, Pelagius tamen apud eos quibus amplius certiusque notus est, non mihi videtur esse purgatus. Illi enim tanquam de ignoto judicantes, his præsertim absentibus qui contra eum libellum dederant, hominem quidem diligenter examinare minime potuerunt : hæresim tamen ipsam, si eorum sequantur judicium qui pro ejus perversitate certabant, penitus peremerunt. Illi autem qui bene sciunt quæ Pelagius docere consuevit, sive qui ejus disputationibus restiterunt, sive qui ex ipso errore se liberatos esse gratulantur, quomodo possunt eum non habere suspectum, quando ejus non simplicem confessionem præterita errata damnantem, sed talem confessionem legunt, quasi nunquam aliter senserit, quam isto judicio in ejus est responsonibus approbatum ?

XLVI. Nam, ut de me ipso potissimum dicam, prius absentis et Romæ constituti Pelagii nomen cum magna ejus laude cognovi : postea cœpit ad nos fama perferre, quod adversus Dei gratiam disputaret; quod licet doletem, et ab eis mihi diceretur, quibus crederem, ab ipso tamen tale aliquid, vel in ejus aliquo libro nosse cupie-

bam ut si inciperem redarguere , negare non posset. Postea vero quam in Africam venit , me absente , nostro , id est , Hippoensi littore exceptus est , ubi omnino , sicut compri a nostris , nihil ab illo hujusmodi auditum est : quia et citius quam putabatur , inde profectus est . Postmodum ejus faciem Carthagine , quantum recolo , semel vel iterum vidi , quando cura Collationis , quam cum hæreticis Donatistis habituri eramus , occupatissimus fui : ille vero etiam ad transmarina properavit . Interea per ora eorum , qui ejus discipuli ferebantur , dogmata ista fervebant : ita ut Cœlestius ad ecclesiasticum judicium perveniret , et reportaret dignam sua perversitate sententiam . Salubrius sane adversus eos agi putabamus , si hominum nominibus tacitis , ipsi refutarentur et redarguerentur errores , atque ita metu potius ecclesiastici judicii corrigentur homines , quam ipso judicio punirentur . Nec libris igitur adversus mala illa disserere , nec popularibus tractatibus cessabamus .

**XLVII.** Cum vero mihi etiam liber ille datus esset a servis Dei bonis et honestis viris Timasio et Jacobo , ubi apertissime Pelagius objectam sibi a se ipso tanquam ab adversario , unde jam grandi invidia laborabat , de Dei gratia quæstionem non aliter sibi solvere visus est , nisi ut naturam cum libero arbitrio conditam , Dei diceret gratiam : aliquando , idque tenuiter , nec aperte , ei conjungens vel legis adjutorium , vel remissionem etiam peccatorum : tum vero sine ulla dubitatione mihi claruit , quam esset christianæ saluti venenum illius perversitatis inimicum . Nec sic tamen operi meo , quo eumdem librum refelli , Pelagi nomen inserui : facilius me existimans proforum , si servata amicitia , adhuc ejus verecundiæ parcerem , cuius litteris jam parcere non deberem . Hinc est , quod nunc moleste fero , in hoc judicio dixisse illum quodam

loco , « Anathematizo illos qui sic tenent , aut aliquando tenuerunt . » Sufficerat dicere , qui sic tenent ; ut eum crederemus esse correctum : cum vero addidit , aut aliquando tenuerunt ; primum quam injuste damnare im-meritos ausus est , qui illo , quem sive aliis , sive ipso doctore didicerant , errore caruerunt ? Deinde quis eorum , qui cum ista non solum aliquando tenuisse , verum etiam docuisse neverunt , non merito suspicetur , simulate anathematizasse qui hæc tenent , cum eodem modo anathematizare non dubitavit qui hæc aliquando tenuerunt , in quibus eum ipsum recordabuntur magistrum ? Ecce , ut alios taceam , Timasium et Jacobum , quibus oculis , qua fronte conspiciet , suos et dilectores , et aliquando discipulos , ad quos librum scripsi , ubi libro ejus respondi : qui certe quemadmodum mihi rescriperint , tacendum et præterendum non putavi ; sed exemplum litterarum subter annexui .

**XLVIII.** Domino vere beatissimo , et merito venerabili patri episcopo Augustino<sup>2</sup> , Timasius et Jacobus in Domino salutem . « Ita nos refecit et recreavit gratia Dei ministrata per verbum tuum , ut prorsus germane dicamus : Misit verbum suum , et sanavit eos<sup>2</sup> , Domine beatissime et merito venerabilis pater . Sane ea diligentia ventilasse sanctitatem tuam textum ejusdem libelli reperimus , ut ad singulos apices responsa redditæ stupeamus , sive in his quæ refutare , detestari , ac fugere deceat Christianum ; sive in illis , in quibus non satis invenitur errasse ; quamvis , nescio qua calliditate , in ipsis quoque gratiam Dei credidit suppressandam . Sed unum est , quod nos in tanto beneficio afficit , quia tarde hoc tam præclarum gratiae Dei munus effulsiit . Si quidem contigit absentes fieri quosdam , quorum cæcitat[i] ista tam perspicuae ve-

<sup>1</sup> Vide lib. de Natura et Grat. — <sup>2</sup> Psal. cvi , 20.

ritatis illustratio deberetur; ad quos, etsi tardius, non diffidimus proprio Deo eamdem gratiam pervenire, qui vult omnes homines salvos fieri<sup>1</sup>, et ad agnitionem veritatis venire. Nos vero, etsi olim spiritu charitatis, qui in te est, docti subjectionem ejus abjecerimus erroris, in hoc etiam nunc gratias agimus, quod haec quæ ante credidimus, nunc aliis aperire didicimus, viam facilitatis uberiore tuo*n*ctiatis tuae sermone pandente. Et alia manu: Incolumem beatitudinem tuam, nostrique memorem, misericordia Dei nostri glorificet in æternum.

**XLIX.** Si ergo et iste confiteretur, ita in hoc errore se fuisse aliquando, ut hominem præoccupatum, sed nunc anathematizare qui haec tenent; quisquis ei non gratulatur, tenente jam illo viam veritatis, ipse amitteret viscera charitatis. Nunc vero parum est, quod se non confessus est ab ea peste liberatum, sed anathematizavit insuper liberatos, qui eum sic diligunt, ut etiam ipsum cupiant liberari: in quibus et isti sunt, qui benevolentiam suam erga illum significaverunt, his ad me datis litteris suis; nam et ipsum præcipue cogitabant, cum dicerent, hoc se affici, quod tarde illum librum scripserim? « Si quidem contigit, inquiunt, absentes fieri quosdám, quorum cæcitati ista tam perspicuae veritatis illustratio deberetur, ad quos etsi tradius, inquiunt, non diffidimus proprio Deo eamdem gratiam pervenire. Nomen quippe vel nomina ipsi quoque adhuc tacenda putaverunt, ut vivente amicitia, error potius moreretur amicorum.

**L.** At nunc si Pelagius Deum cogitat, si non est ingratus ejus misericordiae, qui eum ad episcoporum judicium propterea perduxit, ut haec anathemata defendere postea non auderet, jamque detestanda et abjicienda cognosceret, gratius accipiet Litteras nostras, quando expresso nomine

<sup>1</sup> Tim. ii, 4.

uleus sanandum potius aperimus, quam<sup>1</sup> illas, ubi cum ubi cum dolorem facere timeremus, tumorem, quod nos pœnitet, augebamus. Si autem mihi fuerit iratus, quam inique irascatur attendat, et ut vincat iram, tandem aliquando Dei postulet gratiam, quam in hoc judicio confessus est singulis nostris actibus necessariam; ut veram consequatur illo adjuvante, victoram. Quid enim ei prosunt tantæ ejus laudes in Epistolis episcoporum, quas prose commemorandas, vel etiam legendas atque allegandas putavit, quasi eum haec perversa sentire, omnes qui vehementes et quodam modo ardentes ad bonam vitam exhortationes ejus audiebant, facile scire potuerint.

**LI.** Et ego quidem in Epistola mea, quam protulit, non solum ab ejus laudibus temperavi, sed etiam quantum potui, sine ejus commotione quæstionis, de Dei gratia recte sapere admonui. Dixi eum quippe in salutatione, Dominum: quod epistolari more non Christianis quibusdam scribere solemus; neque id mendaciter, quoniam omnibus ad salutem, quæ in Christo est, consequendam, debemus quodam modo liberam servitutem. Dixi dilectissimum: quod et nunc dico, etsi iratus fuerit, adhuc dicam; quoniam nisi erga eum dilectionem tenuero, illo irascente, ipse mihi magis nocebo. Dixi desideratissimum: quoniam valde cupiebam cum præsente aliquid colloqui: jam enim audieram contra gratiam, qua justificamur, quando hinc aliqua commemoratio fieret, aperta eum contentione conari. Denique litterarum ipsarum brevis textus hoc indicat: nam cum egisset gratias, quod me scriptis suis exhilarasset, certum faciendo de sua salute ac suorum, quos utique si correctos volumus, etiam corporali salute salvos velle debemus; mox ei bona optavi a Domio retribui, non ad salutem corporis pertinentia, sed

<sup>1</sup> Subaudi accepit.